

U D H Ë Z I M

për dhënien e pëlqimeve për ndërtim të objekteve në afërsi të Trafostacioneve dhe Largpërçuesve dhe nën Largpërçues

Në bazë të:

- Ligjit për Energjinë 2004/8, neni 30 dhe 31,
- Udhëzimit Administrativ nr.2005/7 mbi Rregullat për Zonat e Sigurisë, neni 4 dhe 6 alineja 6.2, 6.3, 6.5,
- Kodit të Pajisjeve Elektrike të KOSTT-it dhe
- Rregullat Teknike për Ndërtim dhe Mirëmbajtjen e Objekteve Elektroenergjetike – të trafostacioneve dhe të linjave – Gazeta Zyrtare e ish-RSFJ Nr. 65/88 dhe Gazeta Zyrtare Nr.19/68

investitori/paraqitësi i kërkesës, i cili synon të ndërtojë objekte në afërsi të trafostacioneve 400/220 kV, 400/110 kV, 220/110 kV, 220/35/10(20) kV, 110/X kV dhe në afërsi apo nën linja të tensionit të lartë 110, 220 dhe 400 kV është i obliguar që ndër të tjera të sigurojë edhe pëlqimin prej KOSTT-it për plotësimin e kushteve për ndërtimin e objektit në atë hapësirë.

Me qëllim të lehtësimit dhe veprimit të drejtë për dhënien e pëlqimit përkatës jepet ky udhëzim, i cili do të zbatohet prej datës kur Bordi i Drejtorëve në KOSTT e aprovon.

Investitori/paraqitësi i kërkesës, i cili synon të ndërtojë objektet në afërsi të stabilimenteve elektroenergjetike të KOSTT-it është i obliguar të kërkojë pëlqimin për plotësimin e kushteve për ndërtimin e objektit në atë hapësirë dhe me këtë paraprakisht paraqitësi i kërkesës duhet të bëjë pagesën sipas çmimores së bashkangjitur në udhëzim.

Bërja e kësaj pagesë nga paraqitësi i kërkesës, nuk e obligon KOSTT-in për të dhënë pëlqimin për ndërtim, nëse nuk plotësohen kushtet teknike sipas ligjit dhe standardeve në fuqi.

Kërkesa për pëlqim i adresohet KOSTT-it nëpërmes arkivit në formë të shkruar duke përfshirë kopjen e planit përkatësisht kopjen e situacionit të terrenit dhe dokumentacionin tjetër investues – teknik.

Pala juridike kërkesën me arsyetim për pëlqim dhe dokumentacionin tjetër përkatës e paraqet me memorandum – fletë të palës zyrtare me nënshkrim të personit të autorizuar dhe të vërtetuar me vulë.

Departamenti për Menaxhim & Inxhinieri të Projekteve/Sektorit për Ndërtimin e Rrjetit Transmetues në KOSTT i qaset përpunimit të kërkesës në harmoni me ligjin, standardet dhe rregullat teknike.

Gjatë përpunimit të kërkesës përcaktohet vlera e shërbimit, të cilën paraqitësi i kërkesës duhet ta paguajë. Kjo vlerë e shërbimit i dorëzohet paraqitësit të kërkesës për pagesë para se të jepet përgjigja me shkrim.

Paraqitësi i kërkesës kryen obligimin për pagesë në xhirollogarinë e KOSTT-it: Raiffesisen Bank, RBKO 1501001006149310, Prishtinë, për të cilën dëshmon përmes dëftesës për pagesë dhe pastaj merr konfirmimin me shkrim nga Departamenti Financiar në KOSTT.

Kur paraqitësi i kërkesës lajmërohet përsëri me kushte tjera dhe me dokumentacion plotësues, faturimi përkatësisht pagesa bëhet përsëri sikurse për herë të parë.

Çmimet e shërbimit në dhënien e pëlqimeve (konfirmimeve) për ndërtimin e objekteve në afërsi të objekteve elektroenergjetike

1. Për persona fizikë – në varshmëri prej largësisë së objektit nga drejtoria e Kostt-it *çmimi ne €*

• Pa dalje ne teren	75.00
• Për distance deri ne 20 km	100.00
• Për distance prej 20 deri 40 km.....	120.00
• Për distance prej 40 deri 60 km	140.00
• Për distance prej 60 deri 80 km	160.00
• Për distance prej 80 deri 100km	180.00
• Për distance me te madhe se 100km	200.00

2. Për persona juridikë

Për dhënien e pëlqimit (konfirmimit) në shikimin e dokumentacionit për ndërtimin e objektit në afërsi e linjës:

• Pa dalje ne teren.....	200.00
• Me dalje ne teren deri ne 20 km	220.00
• Me dalje ne teren prej 20 deri 40 km	240.00
• Me dalje ne teren prej 40 deri 60 km	260.00
• Me dalje ne teren prej 60 deri 80 km	280.00
• Me dalje ne teren prej 80 deri 100 km	300.00
• Me dalje ne teren mbi 100 km	350.00

Çmimet e mësipërme janë të paraqitura me TVSH.

Ky Udhëzim hyn në fuqi ditën e miratimit nga Bordi i Drejtorëve të KOSTT-it dhe publikimit në ueb – faqen e KOSTT-it.